

失其去道也遠是以聖人銳前挫之紛則解之道備於躬光
輝自應遠耀而又不欲過於表著以凌物用是和其光焉以
同其塵夫塵不解者也烏乎同之然不同則又矯異矣伯夷
之清非至道也湛卽湛寂清靜之謂惟湛寂則道無弗存矣
似亦謙辭

吾不知誰之子一元象帝之先超踪造化

又曰大道若此其果誰之子乎曰象帝之先夫帝已先矣又
曰象帝之先則是先而又先卽上所謂玄之又玄是也

虛用章第五

天地不仁無心以萬物爲芻狗任其自然聖人不仁法天以百姓爲

道藏輯要

道德經解

五

心集一

芻狗順帝之則

正陽帝君注曰不仁非謂天地聖人之不仁也言天地無心
成化萬物皆沐其仁而天地究未嘗有心仁之芻狗祭物束
草以作犧牲祀則奉之過則棄之言無所繫戀也天地之仁
萬物亦若是焉而已矣聖人之於百姓也亦然

天地之間塞乎兩間其猶橐籥乎空洞虛中虛而不屈中通動

而愈出應變無窮

又曰橐籥不動則寂有感皆通天地之化如之蓋惟虛其中
而不屈是以動而愈出耳

多言數窮希言不如守中允執厥中

又曰多言者即煩稱博引之謂與其多言而不適於道何如守中之爲貴乎中即允執厥中之中堯舜禹湯文王周公孔子皆根是以御世太上之言乃範圍曲成不過不遺之道而後世乃以老氏別之不亦謬哉

成象章第六

谷神不死虛靈不昧是謂玄牝一陰一陽

正陽帝君注曰谷空其中可謂虛矣而猶有形之可見不得謂之神也惟道既麗於虛而形迹胥泯此所以謂之神其曰不死者死者生之返物反而歸則曰死若道未見有生則亦安見有死故曰谷神不死牝以生物得名曰玄牝者生物而

道藏輯要

道德經解

六

心集一

不見其生之之迹是牝而實玄矣

玄牝之門念頭起處是謂天地根呼接天根吸接地基

又曰玄雖麗於無而實陽神之所宅也牝似麗於有而即陰神之所主也易曰一陰一陽之謂道然則玄牝之門非即天地之所托始乎且陰陽無形無象而靜闔動闢正無非陰陽也門司闔闢故以是况之

綿綿若存川流不息用之不勤虛無用

又曰綿綿者微而不絕之謂玄牝雖至微妙而端緒恰自絡繹不絕曰若存者不見其存而實有存者在勤訓窮此其所以用之而無終窮也